



蘇魏公文集卷四十四

表

賀 皇帝登極

賀 欽聖太后同聽政

賀 立國順夫人為 皇后

謝 登極對衣銀絹

賀 元符三年生皇子

賀 受傳國寶璽

進 華戎魯衛信銀

卷四十四



光緒庚子湖州陸
心源捐送國子監
之書置藏南學

謝支賜

進元祐編勅

賀 令上皇帝登極

臣某言伏覩制書恭承 皇帝陛下以正月十二日
遵奉遺制詔登寶位者中外臣民永有依賴神靈龜
筮罔不協從臣某 中賀伏以太康嗣商寔兆歷年之
永代邨繼漢蓋開緒業之隆昇世同符千齡協慶伏
惟 皇帝陛下紹休洪緒春命吳宮肇聖問于宗藩
即丕高于帝統提五精而撫運受三策以臨尊日月
正明溥乾坤而寧泰雷雨作解徧動植以涵濡上宗
七廟之基高視百王之徽烈臣久塵位著世荷恩

榮方退老于邱園阻塵趨于朝闕扶杖而親詔命繼
明喜邁于重熙詔諭以示子孫事上更期于盡瘁臣
無任

賀欽聖太后同聽政

臣某言伏審 皇太后陛下免從遺制同預政機共
安龜鼎之隆式副臣民之望凡在臣庶奉極親欣臣
某中賀伏以 皇太后陛下子育兩朝母儀萬國動
必規于圖史化實守于宮闈深居常樂之尊玉昭聖
範循奉治平之制允慰上心輔盛德于唐虞軼徽音

于任似福均宗社恩被華夷臣限以老病退休不獲
隨例祿慶闕廷臣無任

賀立順國夫人為 皇后

臣某言恭聞今日日頒降麻制冊立皇后者有命自
天肇建長秋之號正位于內實為王化之先上承廣
社之靈下副華夷之望臣某中賀竊以軒皇垂象側
宸極以中居坤德資生贊乾元而育物交方修于治
典宜首正于人倫伏惟 皇帝陛下始初清明嚴恭
寅畏致中和而格天地躬祀法以御邦家媿內嬪虞

本帝舜聰明之塗山興夏紹大禹勤儉之風作合皇家允符世德暈珩垂龍範官闈延洪臣蒲柳衰年邱園遲老側聽絲綸之出阻陪鴛鴦之班抃蹈之誠實倍常等臣無任

謝賜登極對衣銀絹

臣某言今日日潤州遙到伏蒙 聖慈賜臣詔書一道寬衣五件二十五兩金腰帶一條銀器二百兩絹二百疋者大明繼照榮光徧燭于幽遐前津流恩繁錫遽占于耆艾奉詔文之深厚對服器以珍華拜賜

不贊慚顏因措臣某中謝伏念臣才資極陋遭遇實多以省臺累久之勤進叨近輔以蒲柳先秋之質退老邱園俯當月制之年仰遵天飛之運碩筋骸之已瘁趨觀闕以無階方鼓舞以休辰忽郵傳于渥命細書一札煥綸綽以下臨束帛兼金與帶袍而益賁何言墮暮荷此恩章豈惟充侈于家庭實亦增輝于里巷此蓋伏遇 皇帝陛下堯仁光宅周德五承紹興洪業之隆曲軫周行之舊衣被萬物咸均雷雨之濡惠養老臣更厚金縢之寵况餘齡之無幾駭異數之

雜勝謹當綏骨銘恩望雲祝聖出同父老贊膚烈以
無疆入戒子孫罄忠規而弗替伏限哀病不獲奔走
闕庭臣無任

又

臣某言尤飛紫極遣千載之一時鳳詔泥封均萬分
之大賚頌慚哀毫亦預匪頒煥服用以增華戎饗踰
而有醜臣某中賀伏念臣斗筭小器章句陋偏逢時
偶踐于機衡引老獲歸于蓬畢重明繼照徒傾日月
之光輝慶賜遠行咸受雨露之恩潤津爛然龜紫之

飾副以兼金之繫寵迨邱園榮生里閭此蓋伏遇
皇太后陛下謀定國臚功勤王家推惠養以為心致
中和而育物博施濟衆務開廣以堯仁承籙是將俾
涵濡于周澤綬章若、幣帛箋、暮齒何堪拜君命
之再至丹誠采切瞻象魏之九重伏限哀羸不獲躬
詣朝闕臣無任

賀元符三年生皇子

臣某言前星發采占華象之告符甲觀誕祚協吹銅
之風兆坤儀之正位當震長之鴻名事越古今慶覃

夷夏臣某中賀伏惟 皇帝陛下躬元居正恭已承
祧自先定于皇基恩克隆于治道振掩起廢朝野益
見于清明隕祉爰祥天人動彰于丕應月值正陽之
吉時生貳極之尊國本惟寧允契元良之美民黎均
惠咸蒙在宥之恩臣退老沂江欣聆邦慶手足徒知
于臨抃筋骸難強于奔走企仰雲霄但馳魂幹臣無
任

又

臣某言前星燦采占垂象之告符甲觀誕祿協吹銅
之夙兆況坤儀之正位當震長之鴻名事越古今慶
覃夷夏臣某中賀伏惟 皇太后陛下母臨萬國子
育群生翊嗣聖之丕基贊皇圖之興運自家刑國中
外之治晏然隕祉爰祥天人之應昭若月值正陽之
吉時生二極之尊國本惟寧允契元良之美民黎均
惠咸蒙在宥之恩臣退老沂江欣聆邦慶手足徒知
于臨抃筋骸難強于奔走企仰雲霄但馳魂幹臣無
任

賀受傳國璽

臣某言伏聞五月日 皇帝御大慶殿受傳國寶者
天開矣統受命冠于百王神啟坤珍得室克于八壘
自秦成之吉壤奉螭玉之嘉祥茂對元符考稽故實
奉正元五月之會親見臣工推渙汗大號之恩普周
方域慶成盛禮歡決輿情伏惟 皇帝陛下題五精
之期繼六聖之治積德累仁而動植茂遂彰善瘳惡
而朝野清明德澤誕敷瑞應皆至惟傳國之守器蓋
歷代之徽章藍辟斯書篆刻久藏于厚載漢泉堅井
靈光屢見于前朝由神物之護持豈人力之能致聖

辰奉若天意昭然既壽永昌方詠歌于金石無思不
服將警懼于撫戎見海內一家之榮昭帝者萬世之
福臣抱疴暮齒得謝明時側聽句臚竊忻盛德之事
躬與芸收共贊太平之功臣限以老疾在遠不獲躬
慶闕臣無任

進華戎魯衛信錄

臣某言臣聞先王撫邦弼成六服天子有道守在四
夷大禹之即叙西戎周人之惠綏中國由聲明之及
遠致華裔以同風詩書所載古今一揆臣某 中謝竊

以國家規恢億載之策方制萬里之區憬彼獯戎初
擅權于八部屬在唐季遂竊據于一隅 太祖皇帝
首命帥臣經營其畧 太宗皇帝載馳使指問遺者
加雖服叛之靡常亦羈縻而不絕爰逮文明之世親
巡澶魏之師因一介之請和賜勅書而示好 仁宗
再更信誓益以金縢之資 英宗常勅邊州寬其魚
葦之禁以繼好息民之義為長番遠馭之商相承百
年共由一道伏惟 皇帝陛下德寓天覆軋剛日新
紹歷聖之成模總君人之太畧謂彼方之荒忽在我
之涵濡歲講聘儀雖切蟻羶之慕間窺邊隙稍萌蛆
食之心上靡察淵俯為全度科征暫起則戒彼蒼生
疆畛交侵則許其分畫螭蝥成蒙其煦育垢沍悉為
之含容宜其草心永以內面竊疑在昔禦戎之論前
書載筆之傳或厚賂和親漢才得其下策或償功與
地唐亦信而不疑事出權宜情非固結由至誠之不
著終後悔之莫追是以匈奴未入于長城而馬邑之
謀已露結贊始盟于渭水而平涼之變遽聞亂之由
生兵乃弗戢豈若我朝之綏遠率令異域之歸忠偃

草有年曠古無益而 聖慮猶虞其越軼詔書思所以特循乃屬下臣討求故實料平日嘗行之務著一朝永久之規將欲付之有司使知所守又以待其來者無得而踰極遠見識微之明得禦侮折衝之要臣謀持鈇摘躬服綸函采輜軒絕代之言紀象胥行人之職撮其綱目刪彼繁蕪例求端首述講修之始分門布叙次標書幣之儀輶車別常泛之名陞見異燕辭之目至于勞賓訝摯厚往薄來朝廷之匪頒州郡之迎餞皇華四達山川有險易之塗關市交通貨

賄有貿遷之利內則群臣之策慮外則旁境之文移諸蕃之土俗風宜近塞之溝封亭隧有資接撥用條陳或見聞于異辭或圖上于方畧推原本末則大事小事而俱收蒐補闕遺則中書外書而雜取歲時荐易籤帙甫終解成周王會之篇因為憲令繪湘東貢職之事匪獨形容方屬藁之上聞荷賜名之下賁恭覽天題之命仰探聖蹟之淵日華戎所以示南北之情通日魯衛所以表親隣之意厚信者久而不易錄者盡而不汙兼三義以名篇掩二中之善志謙抑

冠百王之表威懷所以盡四海之歡是乎信書煥乎
國冊臣荒孱有素細緯無功識謝營平因通知于夷
事學慚伯始幸纂續于漢儀固多疏恪之尤莫盡聖
神之蘊將塵乙覽預集汗顏冒瀆冕旒臣無任

謝支賜

臣今日准樞密院札子以臣近上表進呈華戎魯
衛信錄二百二十九卷事目五卷奉 聖旨特賜銀
絹各一百五十兩足者輯百年之案籍甫上奏篇出
九府之貨財猥加庶錫顧加編磨之効薄荷獎飾之

恩隆捧對以遠兢惶靡措伏念臣技能甚寡識智甚
迂早探六藝之科未達四方之略昨承詔旨俾詮次
信書歷攷前聞僅裁成于類例叙索虜講和之事襍
鴻臚典客之儀規撫悉稟于淵衷論著漫殫于精力
汗青云畢漏目固多但虞稽悞之誅敢覲便蕃之賜
伏况撫和戎狄本聖世之治功細緯簡編乃文儒之
常職詎謂偶緣于任使遂蒙推假于寵光賚物有加
揆勞非祿雖忍慚而祇受終撫事以增憂此蓋伏蒙
皇帝陛下天覆萬邦澤流四海以威懷御蕃國以恩

信禮使人率用舊章無為永制尸臣無狀之纖塵涓
露之功賞典過優厚賁帛鏐金之品既被匪頒之渥
益思報稱之宜惟竭力于股肱冀收功于簿領仰酌
樂育誓畢餘生臣無任

進元祐編勅

臣某言竊以法不獨立必由聖哲之有為令出惟行
當重變更之所始時屬休明之運民漸寬厚之仁仰
奉淵謨克新治典臣等聞古者民樸而事約故弼教
之刑流宥惟五及乎俗易而風移故用中之典輕重

以三事隨世而屢遷文因情而互起自唐興訖予顯
德其律令格式具載于簡編由國初至于元豐其制
勅禮書悉藏于官守章程時易巧偽日新峻其隄防
乃有滋章之弊緩其銜策之多抵冒之虞昔為便者
或闕于今近所利者或違于遠旧文未具新例更生
每令戒于荼煩事固難于毛舉取其宜于時者由是
變而通之或草或因至纖至悉恭惟 皇帝陛下
太皇太后陛下道熙天緯智燭物情紹休 六紀之
光損益百王之際以謂疏律著令皆歆傳之無窮正

本清源遂可措而不用雖祖宗之制具在習俗而
之變靡常正律傍章豈有滯疑之論奇精心比寢成
破析之繁不有刊削孰以執中宜為本朝以為先務
二至為之尽心慎東乃僚摠領其事置司率屬將訂
正于煩苛剔切鑿新俾發明于義類臣等奉詔旨
緝閱舊章于是以元豐勅令格式并元祐二年十二
月終以前海行續降條貫共六千八百七十二道兼
取嘉祐熙寧編勅附令勅寄講求本末詳究源治流
合二紀之所行約三書之大要孫年櫟撫極慮研窮
合稍就編滕初成綱領隨日標日用舊制也以義名
篇倣唐律也其間一事之禁而有數條一條之中或
該數事悉皆類聚各務本門義欲著名理宜增損文
有重複者刪除之意有潤畧者潤色之使簡而易以
則久而無敝又按照寧以前編勅各分門目以類相
以約束賞刑本系具載以是官司便于簡閱元豐勅
則各隨其罪釐入諸篇以約束為令刑名為勅酌賞
為格更不分門故檢用之際多致漏落今則並依熙
寧以前條例刪修更不別立賞格又以古今之設刑

刑必詢于衆漢以春秋斷疑獄蒺自仲舒唐以居作
代肉刑成于洪猷復有國人奏請隨事立條讞報日
繫去取尤慎曩時修熙寧勅止批嘉祐舊文元豐勅
亦只用熙寧前例增損刪定更不參考日前創法改
作之意今則斷自嘉祐至今凡二十餘年海行宣勅
及四方士陳述利害參酌可否互有從違又以人情
多辟法意未周須藉增裨乃為完密考東郡之議應
劾有臣所創造之言按慶曆之書羣官有參詳新立
之例今來勅令內事有未備與刪定官等同共討論
其為條目者即依慶曆故事注曰臣等參詳新立又
以法令所載事非一端郡縣省臺紀綱繁委前紀所
述皆有別書委律則尚書州郡著律自殊唐格則留
司散班立者亦异皆所以便于典掌不使混淆其元
豐勅以熙寧勅令中合入尚書六朝在京通用并一
路一州一縣事並覆歸逐處若盡收遠慮致蔽勝今
只以該五路以上者依舊修入勅令其餘有事節相
須條制相類可以隨事宜生文不須別條立法者雖
止該一路一司並務本條編載又有尚為一事特立

新書若景德農田景立慶曆貢奉皆別為條勅付在
逐司今元祐差役勅先已成書并近歲尚為貢奉出
使立條者既不常行遇事即用並已釐出不使相參
其有一時約束三省奉行廢置改更蠲除省約既更
治躰須俟僉用大則奏稟于清衷決則諮議于執政
既有定論咸用著篇又按銀統錄出律內餘條准此
附名例後旁奉諸條各以類見今亦以勅令中如
此例者六十四件別為一篇凡刪修成勅二千四百
四十條共一十二卷內有名件多者分為上下計一
十七卷目錄三卷令一千二十條共二十五卷式二
百二十七條共六卷令式目錄二卷目申明一卷餘
條准此例一卷元豐七年以後赦書德音一卷摠五
十六卷合為一部如得允当即望降勅雕刻頒行仍
乞以元祐詳定令式為名所有元豐勅令格式并元
祐二年終以前海行贖降條貫及前來詳定重修編
勅所闕出熙寧勅天聖令附令勅并熙寧元豐申明
勅前後申明散勅及一時指揮等已降新書收載者
更不用行不係收載者各令依旧法其元祐三年正

月一日以後海行續降條貫自為後勅施行若乃勅
著罪名令存禁止應干典則盡載式文世重世輕蓋
亦隨時之義先唐先甲庶乎已日乃字備賜俞音立
為常制則官司奉憲無穿令斷律之訛郡國承流有
操力執繩之戒臣等昧刑名之孝之將明之才誤被
遮掄服勤紬繹惕緩期于歲月愧無補于毫分所冀
刑清吏端少助敦龐之化剛疎禁濶稱彰宏遠之規
塵瀆冕旒若蹈淵谷其勅令等式五十六卷并者詳
二百卷共二百四十六冊謹隨表上進

卷四十
四終

蘇魏公文集卷四十五

表

進乾元節功德疏

進乾元節絹

慰 仁宗皇帝上僊

賀 英宗皇帝登極

謝 英宗皇帝即位大赦

謝勅書撫問

進賀 英宗皇帝登極絹

賀光獻皇太后受冊寶

賀太皇太后受冊寶銀絹

賀皇太后受冊寶銀絹

慰仁宗皇帝陵廟禮畢

賀同天節

同天節進功德疏

同天節進銀絹

賀興龍節

興龍節進功德疏

賀神宗皇帝徽號

賀奉安神宗皇帝御容

進祫享廟

賀捧皇后

慰宣仁聖烈皇后祔廟

賀奉安宣仁聖烈皇后神御

賀紹聖二年明堂禮畢

賀紹聖二年元會

賀立涿妃劉氏為皇后

賀生皇子越王

元符三年慰 哲宗皇帝上仙

慰欽聖皇后上仙

熙寧賀斷絕大理

謝欽恤刑

進乾元功節德疏

臣某伏以虹流協祉駿發于睿圖雲爛當期肇隆于
聖旦扁正陽之紀月邁元聖之誕辰夷夏均惟旄倪
共祝恭惟 皇帝陛下祇承大統覆育萬方開隆億
世之基紹會千齡之運華封有禱咸傾向日之心神
筭無疆永固如山之壽臣竊分列守幸際盛期恭祈
龍象之庭增集天人之福冀憑蒼力俯鑒丹誠臣無
任

又

臣某伏以天命有開帝裔惟承是生元聖敷祐斯民
當赤輝照室之辰屆嘉瑞乘陽之序誕承太上五御累
洽泰寧神人鼓舞以均惟山岳喧呼而效祝臣仰陶
盛化叨守近封將獻壽于南山乃投誠于西竺就嚴
紺宇預集禪流啟百座之清場演五時之淨教薰脩
敢怠誠懇必精允繫宸上之緣願益無疆之笑臣無
任

進乾元節絹

臣某言伏以乾陽膺月震誕紀辰帝齡願祝于天長
職貢敢修于篚寔前件絹繭絲攸賦機杼非精蓋充
任土之常用表傾葵之志獲陪旅玉有瀆宸階臣無
任

慰 仁宗皇帝上仙

臣某言此者天降禍 大行皇帝奄弃萬國伏奉
遺詔摧裂五情臣某中謝恭以大行皇帝聖德仁明
超貫前古臨御天下四十二年外無佳兵之虞內絕
威刑之弊誠格異類息結人心奉諱之辰率土震慟
伏惟 皇帝陛下孝思罔極聖情難居永慕纏綿何

可支抑臣恪守支郡阻遠闕庭限以遺音丁寧不獲
赴哀班次臣無任

賀 英宗皇帝登極

臣某言伏覩詔書恭承 皇帝陛下以四月一日遵
奉遺制光臨宸極者上天寶命集我 皇家本朝慶
靈鍾于嗣聖當明重之繼照慰萬宇之宅心凡在舍
生莫不同慶臣某中賀伏惟 皇帝陛下紹 四聖
之丕緒對千齡之盛期爰自震闡入奉玉統丕承之
始洪化惟新天地神祇永依于有道華夏動植咸戴
于深仁百靈以和四海大定臣叨職近叙荷知先朝
恭聞德音忻逢盛際一麾在外碩官守之才拘萬玉
盈庭赴班聯之莫遂企憲朝闕无馳精誠無任

又

臣某言伏奉詔書 皇帝詔下以四月一日遵奉先
猷紹登寶位凡在臣庶永有依歸靡限華夏奉同欣
蹈臣某中賀伏以上天眷命我祖宗所以肇基箇本
朝慶靈惟聖哲所以膺統業屬明兩繼承之日副群
生忻戴之心大號惟新百靈同慶伏惟 皇帝陛下

天授明德神贊淵謨恭孝風展于君親英睿早聞于
遐邇爰自震邨入奉乾剛踐祚之作初天人之符斯
協德音所被雷雨之施惟均萬邦咸懷九鼎增重有
以見列聖流光之厚先皇知子之明善繼善述之謨
實超于古昔五休五承之烈佇載于典墳臣預職書
林忝塵旬服仰邁重光之運親承渙汗之恩樂與吏
民共慶風雲之會限拘印綬無階朝闕之趨無任無
任

謝 英宗皇帝即位大赦

臣某言伏奉四月二日制書可大赦天下常赦不原
者咸赦除之臣即時集本州官吏軍民宣讀告諭施
行訖者風雲會而雷雨作聖人雷雨解而品物滌自
遠及遐以喜以忭臣某誠歡誠喜頓首頓首伏以人
君發惟新之號所以雨澤于四方赦令出非常之恩
故能鼓舞于群動蓋春秋貴謹始之義而典謚重肆
眚之文憲章具存今昔豈異伏惟 皇帝陛下荷天
明命應運靈輿五承先帝之謨光臨大宝之位乃于
踐祚之旦誕布好生之辰刑無大小之差悉從原宥

官無內外之異咸與躋遷軍和遍被于頒密民里周
蒙于隱恤舊章畢奉美利無垠神人為之交歡陰陽
以之順序臣叨守州郡親違甚明盛伏讀詔書有祇
率旧章之言又有罔敢廢失之戒竊謂陛下虔恭遺
旨善述先猷足以感動人心馴致孝治凡在臣子孰
不歡忻昔帝堯能以放上世之勲成王能酌先道詩
書所以稱載至矣所以詠歌較于茲辰未為遠過昇
平之源可見甚盛之德在茲丕基益隆萬世永隆臣
限以官守不獲稱慶闕庭無任

謝勅書撫問

臣某言六月二十九日供備副庫使京西路告諭曹
繼明到州伏奉四月十一日勅書一道臣及本司官
吏軍員將校僧道百姓等伏蒙 聖慈特賜告諭并
傳宣撫問臣即時稟受施行訖者先皇厭代百姓深
喪考之憂嗣聖纂圖萬物荷由庚之澤况次甸圻之
迓首霑雨露之恩布告俯聞悲歡交至臣某中謝伏
惟 皇帝陛下躋乾居正繼照代明念綴衣顧託之
雜思大器置安之重是以初臨室阼爰軫慮于途遐

臨遣使臣俾慰安于兆庶皇華所泊丹詔載宣推郡
邑之吏民逮屯防之師旅側聆天語親見王人莫不
感忭于階庭安寧于閭巷以孝而治德既形于四方
丕休其謨功遂流于萬世臣叨公麾守躬被綸言愧
無能吏之資上符朝寄姑稟細書之訓下慰民情伏
限州印拘縻不獲趨赴闕庭臣無任

進賀 英宗皇帝登極絹

臣某言伏以千齡接統屬聖茲之膺期萬國馳心奉
珍財而入贊臣叨聯朝序獲假州符敢陳實篚之儀

莫效傾葵之志前件絹出于機杼賦自厘庠蓋任土
之所宜愧充庭之不腆輕塵宰旅有蹟典彝謹遺男
習應鄉貢進士奉嘉管押詣闕庭上進干冒宸嚴臣
無任

賀光獻皇太后受冊寶

臣某言伏審祇嚴先制誕受鴻名凡在生成率均慶
抃臣某中賀伏以 皇太后陛下坤元配德陰教移
風輔先帝之憂勤廣睿圖之延永荷推尊于徽冊已
正位于東朝內治既行比屋皆循乎婦道仁功漸被

方寅奉于母儀夷夏同歡神人有賴臣守職列郡不獲隨列展慶闕庭無任

賀太皇太后受冊寶銀絹

臣某言伏以繼祖尊親式頒于顯冊承顏盡孝祇盡于鴻名凡靈列邦率虔貢職前件出于地寶賦厥機工雖非川岳之奇竊效土風之獻充庭不腆蒞幣維慚

賀皇太后受冊寶銀絹

臣某言伏以禮冊推崇母儀增重一人達孝首務于

尊親萬國歡忻式虔于修貢前件物惟金祿美厥篚充名敢因方物之儀願旋玉庭之實懇誠斯在聳抃良深

慰 仁宗皇帝陵廟禮畢

臣某言得本州進奏官狀報伏蒙 大行皇帝靈駕以十月二十七日遷座永昭陵神主以十一月四日外祔太廟第八室者萬邦永慕痛仙馭之不旬七月如期愴壽宮之永闕凡在臣子孰不摧傷臣某誠悲誠咽頓首上伏惟 皇帝陛下純孝自天至神紹

統繼述之心非怠奠祭之禮以時錮以南山遵霸陵
之儉約耐于宗祫致清廟之肅雍事出宸衷風化天
下臣叨聯閭籍限守州章荷兩朝樂育之恩未酌塵
露望百辟駿奔之列如隔霓霄感咽自中涕洟交集
無任

賀天同節

臣某言伏以月紀純乾日躔上宿渚虹樞電反開載
誕之祥神策寶齒繼撫重明之運中賀恭惟 皇帝
陛下東六陽之嘉會紹五聖之貽謀欽明文思道軼
帝華之盛淳輝悖大世光炎歷之長屬臨出震之辰
茂對乘離之祚函生均慶拱極同歡臣忝守維藩欣
逢慶節九賓就列方拘北海之符千里輸誠願獻南
山之壽雲天在望魂爽飛馳臣無任

同天節進功德疏

臣某言伏以四月維夏聖人應世而挺生萬壽無疆
天下傾心而致祝臣叨分遠守甫屬慶辰恭趨危象
之庭預集緇黃之侶誦貝多之典願皇圖符仙劫長
廷諷蕊簡之文冀聖曆與赤明共永歡呼新嚮陪萬

等倫臣無任

同天節進銀絹

臣某言伏以上聖題期甫遘社鳴之旦庶邦述職虔修岳貢之儀前件物賦自土毛珍非地宝千年嘉會庶歸宰旅之常萬壽無疆願協封人之祝臣無任

又

臣某言伏以德水澄瀾適遘聖生之旦侯封任土茲越王會之期虔奉旧章恭輸菲幣前件絹繭絲攸賦机絰非工盖效土風之宜庸歸宰旅之入心存魏闕

姑因物以達誠人比華封更望雲而致祝臣無任

賀興龍節

臣某言伏以月布星回迨隆冬而成歲虹流電繞啟元聖以開祥天道久而四時成聖人作而萬物覩臣某中賀伏惟 皇帝陛下躰乾嗣歷出震繼明宅九州四海之尊契千載一隆之遇運無為而守至正稽古而若大猷海寓治安神人協慶遠紀吹銅之候肇開貫郊之祥於萬斯年共聽嵩呼之遠俾富而壽咸欽華祝之誠臣竊食宮祠便居戶里未改向陽之志

徒懷存闕之心。上金鏡之篇。願慚于往昔。哲續南箕之笑。采切于愚衷。臣無任

又疏

臣某言。伏以上聖膺期。本神明之幽讚。元冬建丑。會日月之初躔。運符龍德之興。節紀虹流之旦。言遵舊典。恭款殊庭。五宣大洞之科。仰續後天之笑。伏惟皇帝陛下。睿智神武。靜遠疏通。因天瑞以紀元。布君綱而契道。現赤明之華景。夙顯祥經。營碧落之真祠。遠臨誕日。臣久塵位著。退老邱園。望冕闕以天遙。對

靈場而心禱。覲憑妙果。式荐丹誠。皇帝陛下。伏願玉曆延鴻。金枝衍慶。舜循堯道。虞書永協。于重華。周以宗彊。文子更登。于二五。藩輔保維。城之固。幅員臻奠。枕之安。凡在含生。普同上願。臣無任

又

臣某言。伏以日月會于星紀。肇開甲觀之祥。富壽祝于聖人。敢效華封之請。集陽寥之靜衆。諷龍漢之祕文。奠憑神寶之威靈。仰贊帝圖之永久。皇帝陛下。伏願凝神太紫。獨化陶鈞。無為無事。而造道之真。卜

年卜世而過周之曆卿雲旦、歌天地清寧之功瓜
瓞縣、享子孫千億之慶凡屬臨覆之類率同斬嚮
之誠臣無任

興龍節進功德疏

臣某言伏以建丑地正當萬物紐合牙之際上弦月
宿遊九龍浴聖之期驗星紀之初躔著倚蘭之令節
電樞虹渚乾坤開靈命之符綬帶絲囊朝野著歡康
之盛凡居戴履共效祝延臣某中賀伏惟 皇帝陛
下膺淳耀之烈光宅高明之大寶無為而守至正稽

古而若大猷疊穆 昂靜淵寅畏玉承先志集下武
繼文之勳躬祝上神遵嚴父配天之礼屬誕彌之在
旦紀嘉會之發祥地平天成仰一人之有慶嵩呼華
祝見萬國之歡心臣葵藿微生江湖遠迹徒切向陽
之戀阻陪獻壽之班上金鏡之篇願慚于前哲泰琳
宮之賤輒奉于真科冀憑道力之希微遠續帝齡之
億萬臣無任

又

臣某言伏以星回天于紀季冬之上八帝出乎震嗣

神曆以無疆偶千齡降聖之辰會百辟稱觴之旦豈
瞻堯闕限層城之九重祇款殊庭奏華封之三祝恭
惟 皇帝陛下太徽毓粹淳耀膺期聰明睿智以有
臨禮樂征伐之自出雍都獲受命之寶丕顯國祥西
母獻益地之圖屢歸戎捷考六義無以形容威德備
八音不足褒贊成功姑宣碧落之靈風上慶虹流之
誕節 皇帝陛下伏願乾坤齊泰日月並明御氣辨
以調元建中和而立極天授神策萬世福以迎休妣
嗣徽音百斯男而集祉民樂延康之化時颺保定之

歌凡霄霞臨皆同鼓舞臣無任

賀 神宗皇帝徽號

臣某言得本州進奏官報今日日增上 神宗紹天
法古運德建功英文烈武欽仁聖孝皇帝徽號者敷
揚國典祇告祿宮聖孝丕昭登明遠布臣某中某臣
聞唐文皇貞傳言兼美大之稱乾始坤生易謂備元
亨之德惟 先帝之道豐仁洽邁前王之治定功成
增上鴻名丕宣威烈恭以 神宗紹天法古運功建
功英文烈武欽仁聖孝皇帝德貫三重恩洽九區興

隆典而振宏綱耀德威而警荒裔達聰明日昔甚感
德而無以加寬役節農斯皆上古之所不及雖經文
緯武之號已著而繼天稽古之業未彰 皇帝陛下
明發有懷孝思惟則倣上世之道繼彼三墳昭下武
之功施于萬禩銘勲簡冊展事宗祊副九廟之輝光
副群倫之屬仰臣登塵近列獲侍先朝恭聆大告之
年行竊深感抃限有一官之守阻預慶班班首闕門
臣無任

賀奉安 神宗皇帝御容

臣某言廣曲密之仙都俯隣軒宇宅 昂之遠表如
見堯墻瞻棟棟之維新仰威靈而如在臣某竊以天
子之孝莫大乎尊親朝廷之儀無先于備物方聖主
推崇于祔室本先皇肇建于崇宮增大堦垣聿嚴肖
額忝酌事存之訓益為善述之謀伏惟 神宗英文
烈武聖孝皇帝聰明文思淵泉溥博接千齡之統紀
紹五聖之基罔臨御于一十九年之間制作以之詳
盡損益乎三五六經之際聲明由是昭彰邁遐武于
往初詔順謀于永世 皇帝陛下紹休盛烈循致五

平每懷優懷之恩將極褒尊之典謂宣光之隆太上御名
制有未周闕顯承之重禮惟其稱爰屬告選之旦
恭行安侑之儀陳六寢之几筵踰臨燕息履四時之
霜露間奉烝嘗曲全至備之情文斯盡先王之愛敬
族輝鴻業垂裕多方臣昔事先朝早塵近列講漢家
之故事嘗預咨詢望渭北之衣冠莫違奔走北首京
闕內切肺膺臣無任

進裕享絹

臣某言伏以大裕之享盛世宜行申至孝以告愛罄

函區而述職臣叨居下土仰觀純儀敢修貢篚之誠
庶備充庭之末前件絹素惟州產出于民祖冒瀆宸
嚴臣無任

賀梓皇后

臣某等言伏奉聖旨云：伏以塗山啓夏渭涘興周
予娶于度土之辰親迎于造舟之地若稽盛典遠契
亨期將闕前寢之模宜謹曲臺之議臣等中賀伏惟
皇帝陛下天錫仁孝日新光明躬親萬機雖秉東朝
之訓表帥九御尚虛中壺之尊伊欵迓于家邦必先

正其服位 太皇太后陛下念宗初之奉萬風教之
先歷詢慶門咨求淑媛將協定詳之兆當陳備物之
嚴嘉命惟行軀二儀之辟合舊章可奉在六禮之親
成自納采至于告期由命使訖乎上禮車服有等幣
有常古今相沿方冊具載臣等不勝大願伏望誕頒
明詔預勅奉常考沿革于前王恭節文以通禮制為
成式付之有司袞冕穀圭益重敬昏之義金根駟馬
志全象物之宜足以彰有命之自天知得矣之配聖
靈承億載流化萬方凡在懷生率同大慶臣等無無

任

慰宣仁聖烈皇后祔廟

臣某言得本州進奏官報伏蒙宣仁聖烈皇后以二
月十七日祔 英宗皇帝廟室者復土厚陵寧神
宣廟仙游益速聖孝無窮臣某誠悲誠咽頓首 上
伏以 宣仁聖烈皇后母儀三朝君臨九載任萬几
于房闈治協五平祔六世于宗祊禮尊配侑恭惟
皇帝陛下聿懷祖德永慕慈儀喪過守哀日月候踰
于祥禫祭敷其敬歲時克奉于享崇巨籍綴殿塗躬

磨州組奔朝晡之臨阻預朝班望雲日之遙但馳魂
幹且無任

賀奉安宣仁聖烈皇后神御

臣某言得本州進奏官報今月八日景靈宮徽音殿
奉安 宣仁聖烈皇后神御者闢宇殊庭寧神英寢
禮成盛旦化被多方臣某伏以太紗徽音企仙游而
已遠闕宮有恤奉慈範以如存備法駕之祔成越儀
坤之往制伏惟 宣仁聖烈皇后厚德載物正位承
天三朝尊奉于母儀十載輔成于聖政不出房闈憂

勤見于勤言以御家邦教令行于中外 皇帝陛下
躬有虞之克孝纂華國之唯行霜露感懷雲烝具禮
仰視楹棟既嚴七室之祠出游衣冠更具四時之蔭
斯盡享親之義兼隆尊祖之誠宮廟相望神人胥叶
臣舊司近列昔更事于簾帷遠守餘生阻趨陪于班
著北首京闕內切肺腑臣無任

賀紹聖二年明堂祀畢

臣某言闕九筵之太寢奉三歲之親祠熙事訖成湛
恩普被曠然而津浹被寰區臣某中賀伏以嚴父配

天所以教諸侯之孝青災肆赦故能得萬國之歡
慶逢極治之辰交舉上神之薦爰推大賚志存舊章
咸與惟新無遠弗届恭惟 皇帝陛下以乾粹離明
之德兼堯仁舜孝之資祇慄寤興敬恭明察念饗帝
饗親之義思盡志盡物之誠日至燔柴于泰壇間行
大報季秋奠玉于陽舒復率彝儀郊廟之祝畢修雷
雨之施咸暨稼穡降福集帝祚以無疆嗟、懷生樂
聖時載而抃臣主符守臣土淮海磨軀初不獲駿奔
明庭躬修助職今乃幸親承疾置宣布恩書姑与吏

與吏民俯同蹈舞

賀紹聖三年元會

臣某言以伏講歲首之儀重元正而謹始受春朝之
籍馨四海以來同方三隅交泰之辰實萬物 通之
候函生膏慶景福惟新中賀伏惟 皇帝陛下繼聖
膺期持盈守位積神智天仁之美政致功成治定之
隆鐘簾充庭衣冠就列梯航重譯傾衆星拱極之心
椒柏稱觴同萬壽無疆之獻臣職叨真館息假便居
想八闕于鈞天幾形夢寐望九賓于漢殿莫聽胥傳

仰祝帝齡漫馳魂幹臣無任

賀立淑妃劉氏為皇后

臣某言伏聞九月二十七日文德殿發冊室皇后成
禮者建大長秋之官屬仰承四星之居進內司服之
緝衣丕承三冊之命儼尊祿于皇極崇位號于中宮
慶集宸闈風行寫縣中外臣庶鼓舞欣欣中賀臣聞
自古守文之君必有內德之助二南正始之道是為
王化之基蓋以主宗廟之祿將化天下以婦道向非
合成湯之法相何以配上帝之正妃允茲椒植之美

茂對紫庭之選恭惟 皇帝陛下憲章文武效法乾
坤爰敬曲尽于兩宮仁恩溥洽于四海卓有覩天之
貴風膺履武之祥翕受純禧協敷陰教彤管有煒既
貽則于九嫔象服是宜將垂福于萬世臣早塵班著
老退江湖欣聆郵置之傳竊贊家邦之美天枝繁衍
式符周禮之繇、國本延長更祝軒邱之五、伏限
在遠不獲奔走闕庭臣無任

賀生皇子越王

臣某言伏觀德音八月八日皇子降生者大人繼明

增煥前星之象長子玉器肇開甲觀之祥夷夏宅心
迺遊均慶臣某中賀伏惟 皇帝陛下恩被動植孝
通神明詔其德音若重華之協帝措之事業同下武
之繼文是宜蒙天地之休予以萬邦家之慶乃仲秋
之今日實上嗣之膺期嘉瑞藹乎宮闈湛恩浹乎寰
宇允厚日角已彰岐嶷之姿海潤星輝永副元良之
望臣早塵班著老退邱園請聖人之多男永諧華祝
上天子之萬壽徒效嵩呼雖阻奔馳深蹈詠臣無
任

元符三年慰 哲宗皇帝上仙

臣某言此者上天降福 大行皇帝奄弃万国伏聽
遺詔摧裂五情臣某誠殞誠擗頓首 上 恭以 大
行皇帝睿智聰明繼志 神考德威烜赫瑞應屢臻
四夷八蠻罔不率俾仙遊奄止宮車上賓率土哀號
孺慕悲切伏惟 皇帝陛下天倫致愛聖情難居退
愴感懷何可開抑臣限以老病退居閭里不獲奔走
道途赴哀班次臣無任

慰 欽聖皇后上仙

臣某言伏觀今日十四日大行皇太后遺詔凡在臣庶罔不悲號臣某誠哀誠咽頓首上上恭惟皇太后母儀三朝化被四海復辟嗣聖歸神昊穹皇帝陛下追慕慈惟悲踰宸極孝思深切聖情難居伏望以忠社為懷副寓縣所望少抑哀抱以納福休臣嘗預近班屬在羸老不復奔走道途赴哀班次臣無無任

熙寧賀斷絕大理

臣某臣竊以國圖空虛周美成康之盛禁網踈濶漢祢文景之隆蓋教化行而俗醇則刑罰措而民服視今之治与昔為侔恭惟皇帝陛下出震垂裳乘乾御極不事征伐攻取以怀殊俗不重賦歛役以惠中區草木魚鼈之微霑濡感德鰥寡孤独之賤蒙被深仁上日甫臨方春啓序治象未出而億兆皆歡寬詔未下而煩苛已除廷尉無奏讞之甸聖政有勝殘之善臣任遠熙代職忝从臣未能發言為詩揄揚于樂府誠欲直書其事炳煥于史編上件斷絕公案欲乞宣付史館臣無任

謝欽恤刑

臣某言進奏院遞到勅書一道賜臣欽恤刑獄臣即時依稟施行及覩錄下管內諸縣去訖者曦炎可畏聖慮遐周沛然蒞于德音欽哉恤于刑辟下逮容系咸識天慈臣中謝伏以國家恭授四時慎用三典五當盛夏之際俯念幽囚之拘內則齋室親臨攸司之讞外則使輅案問戒羣吏之煩竒詔書下而寬和禁罔號為疎濶蓋累聖恤人之厚盛辰致治之源恭惟 体天法道欽文聰武聖神孝德皇帝陛下仁育含生施俾洪造憫庶民之多辟致五聽之猶繁顧茲叢棘之間或有然灰之嘆于是爰周時訓敷述邦邦彛頒一札之聖書敕四方之守長俾親庶獄毋忽一例加墁飾于園墻乃溉濯于閔木疾病者賜之醫藥憚独者給以饘糜情可哀矜皆从于未減治當証逮亦戒于淹期思生圜圜之中歡洽幅員之內茲甚威德流于無窮臣任忝守封職當持法親承聖訓敢忘于布宣周察民情務歸于寬簡冀盡平反之效少紓中曷之懷且限守州符不獲奔詣闕庭臣無任

又

臣某言威德在火式臨蠶暑之辰至仁如天爰念拘
縲之鄙特頒深詔訓飭有方本睿慮之好生致函灵
之浹慶臣某中謝伏以國家千齡接統累聖顯期哀
庶獄之尚煩恐一夫之失所罪之疑而輟讞情既得
而猶矜乃屬流金之炎載寬最棘之禁率由欽慎以
底治平恭惟 皇帝陛下駿適先猷稽參洪造廣虞
舜恤刑之志推成湯扇暍之心碩茲園土之間或興
畫地之嘆誦明常憲敷布德音敕守長以奉承使容

容系之清肅濯其桎杻墮厥垣墻視皿器之必時蠲
棄劑之無關重輕之系必致于安全小大之情不罹
于寃滯臣竊分符竹寅奉教條知禁罔之濶疎惟思
止辟味訓辭之深厚敢曠承流庶無暴戾之尤仰副
憂勤之念臣伏限印章所系不獲遠詣闕庭臣無任

又

臣某言璇璣齊政時臨建巳之初皇極敷言上念惟
刑之恤祇誦寬和之旨內深側隱之怀臣某中謝伏
惟 皇帝陛下乾健乘時離明理布炎帝執衡之令

軫武王蔭暘之仁內則省錄于齋居不忘庶慎外則
丁寧于守吏爰下細書順長育于正陽俾肅清于叢
棘情已得者仍从讞法罹不逮者悉免稽田至于渴
飢疾瘦之人咸有廩給醫治之惠號令出而民說恻
氣旁流勾圍靜而星虛繁刑几措臣忝分州寄恭被
訓辭出系擬囚姑稟夏時之政承流宣化更勤漢守
之忠惟竭疲駕仰酌生靈無臣任

又

臣某言威德在天開長育之辰折民惟刑聖有哀
矜之訓被詔辭之深厚論上旨之丁寧息違控牢患
均遐迩臣某中謝伏惟 皇帝陛下躬高律度畫堯
衣冠德教洽而刑罰清誠意修而上下察遠紀未明
之候誕敷在宥之仁念五听之所求雖存彛憲慮一
夫之不獲常軫淵衷時勅守臣奉宣明令簡核多稜
于原省瘦飢志務于安全廩餉以時寒涼遠節欢忻
動于幽禁耻格受于編齊漢固甚疎固有丹魚之漏
名崇可爰特消牙鼠之爭臣叨柝左符親承細札对
時育物仰遵共理之言出繫擬囚上廣好生之德敢

忘盡瘁稍答鴻私臣無任

蘇魏公文集卷四十五

蘇魏公文集卷四十六

五王四位牋表

哲宗皇帝明堂宿殿起居第一表

第二表

拜免明堂加恩第一表

第二表

明堂加恩謝 哲宗皇帝表

謝皇太后表

謝皇太妃表

卷四十六

冬節謝 哲宗皇帝表

賀太皇太后表

賀皇太后表

賀皇太妃表

年節賀 哲宗皇帝表

賀太皇太后表

賀皇太后表

賀皇太妃表

四位牋表

哲宗皇帝明堂宿殿大寧郡王起居第一表

第二表

咸寧郡王起居第一表

第二表

普寧郡王起居第一表

第二表

祁國公起居第一表

第二表

大寧郡王辭免明堂加恩第一表

第二表

咸寧郡王辭免明堂加恩第一表

第二表

普寧郡王辭免明堂加恩第一表

第二表

祁國公辭免明堂加恩第一表

第二表

大寧郡王謝 哲宗皇帝加恩表

謝皇太后表

謝皇太后表

哲宗皇帝明堂宿殿起居第一表

伏以商飗應律式嚴宗祀之期法駕鳴銮出就齋居
之次伏惟 皇帝陛下聖能享帝孝極顯親攷制度
于闕陽肅陳備物致精神于殿陛內盡誠心臣初肄
少儀阻陪熙事躬難留于紫闥心竊向于丹墀

第二表

伏以昭配合宮形四方之孝治凝思正宇儼萬乘之
威容伏惟 皇帝陛下稽古守文憲天御極歷季秋

之吉日躬嚴父之上儀精意感通交神明而有道至
和充塞向福祉以無疆法駕在天 倪益固

辭免明堂加恩第一表

伏以霈如春之澤滲漉於群方推出綽之言增陪於
多賦躰仁恩之至厚眷涼瑣以何勝中謝竊以嚴父
配天本聖人之能養布德行惠蓋王者之無私凡百
辟之在庭逮九州之修貢從而加寵孰曰匪宜如臣
者力僅勝衣學方肄簡左右就養早休禁闈之榮夙
夜在公未踐朝闈之地例叨進律益負厚顏伏望

皇帝陛下堯日照臨湯雲覆護矜其稚齒未堪國邑
之多賜以俞音聽免綸函之拜由衷之懇得請為期

第二表

伏以命出唯行固難反汗賞如不借孰敢循牆蓋在
義以當然故控誠而未已中謝伏以祭有十倫之義
職或逮于翟闈國有千戶之封功必先於闕闕顧臣
之分寔愧於斯論職則不預於饗祠諮功則未趨于
班列猥當慶賜之澤惧有僥踰之譏抗章敢辭批札
尋下既喻以明神之惠又示以惇族之仁雖仰戴于

天慈終未諧于公議伏望 皇帝陛下稽參名實論
考事功憐稚弱之無知豈堪多邑諒忱恂之至懇聽
罷悞恩渠、之誠喋、是惧

明堂加恩謝 哲宗皇帝表

伏以奉昭考而配上帝盛典斯行流厚福而浸黎元
庶工咸治內省孱茅之質何勝爵土之榮受命彷徨
臨深震惕中謝竊以祭有惠術益廣于神休官有攸
司乃霑于帝澤昨季秋之大向饗紆上輦之躬行三獻
禮成神明歆而福祉降肆敷恩普勲勞重者爵賞加

詎容因功例叨布德伏念臣寅緣天屬生長禁庭上
承愛育之恩擢預公侯之列歲時朝請怒綿弱之未
任宗祀肅雍復優容其不至逮茲拜慶實謂無名雖
嘗列于葵辨終莫回於渙令此蓋伏遇 皇帝陛下
明德恤祀重祿養美爰頒雷雨之恩遍沾文武之籍
在于蒙稚曷稱褒旌幼未有知嘗事斯語為善最樂
冀上合于詔書俾躬屬休幸長為于藩屏

謝 皇太后表

伏以太寢總章宗祀云舉弱齡禔齒顯制誤加循揆

冠冕交深兢愧中謝竊以國家明德卹祀聿嚴報本
之儀至誠感神茂介自天之祐如前期之齋潔逮昧
爽之字恩皆清蹕之躬行有庶工之陪相既畢上儀
之舉宜膺大澤之均伏念臣資之慧聰年豈幼弱主
上以同氣之愛加彼官太母以含飴之慈重茲鞠育
雖玷分茆之秩未陪奉王之祠承言綽之嗣頒雖弁
髦而不問良慚冒處固獲牢辭此蓋伏遇 皇太后
殿下內德輝光母慈愛育峻儀中寢治早贊於正邦
升位東朝道益光於佑聖加憐最質致錫龐息學彼
夫成庶知絜已以進報茲因極勉思就養之方

謝 皇太妃表

皇太妃宮閤德兼國史爰逮宗藩躬朝禮於西宮贊
祀儀於正宇逮此庶成之慶贊揚渙澤之優命數益
崇顯侗豈祿責其智效未_雜未克于宿宮習以性成尚
可期于學政

冬節賀 哲宗皇帝表

伏以律中黃鐘聽一陽之來復天授神英膺百福以
攸同屬逢至治之辰允協踐長之慶中賀伏唯

皇帝陛下紹膺淳耀纂嗣丕謨三靈昭眷命之祥遂
臻治四方定盡榮懷之美播在咏歌順履良辰茂迺
協氣臣欣華韞鄂接潤仙源君恩等干乾坤敢言報
祿國壽隆于箕翼唯罄祝延

賀 太皇太后表

伏以復見天地之心象標至日律有陰陽之應氣始
黃鐘時肇初辰天開景貺中賀伏唯 太皇太后陛
下德起三母功被兩朝不下堂而教化成官師式序
未窺牖而內外治朝野無私順履天正之休翕膺神

貺之集臣生蒙鞠育幼被恩榮稽天保報上之言惟
思孝敬演皇極錫民之義仰贊聖明

賀 皇太后表

伏以天行反復應純乾初九之爻元氣回旋肇太極
函三之數紀為令節交舉慶儀中賀伏惟 皇太后
殿下敬德思任徽音超如受天下之養理極于尊崇
應地道之光功兼于持載順承天序茂對神釐臣藐
在弱齡親承慈育願上萬年之聖壽庶同四海之歡
心

賀 皇太妃牋

伏以氣由子始星開珠璧之躔道至復享卦啟地雷
之象至和默會多福同來中賀伏惟 皇太妃宮閤
道協二聖化流六宮茂德內修早應壽房之兆慈儀
上極不忘練服之讌氣序更新宮闈增慶某聯華子
舍集寵宸居仰懷愛育之仁但祝延洪之祉

年節賀 哲宗皇帝表

伏以太皞司春肇啓簇生之候青陽布政茂宣寬大
之恩端朔迎祥人靈胥慶中賀恭唯 皇帝陛下誠

明允性禮義宅心日就月將益懋緝熙于光明之學
任大守重每懷祇畏之心向用純禧茂延景鑠臣幸
緣天屬叨備宗藩劍佩肅儀未預大庭之會椿靈等
竦敢祝聖人之年

賀 太皇太后表

伏以陽氣簇乎童首品物更新斗杓正于孟陬歲功
云始遂行慶澤就間華夷中賀恭惟 太皇太后陛
下天造覆民坤元生物躬先勤儉邁遼山興夏之勞
嗣履齋莊越文母佐周之德屬肇更于春律諒協吉

於時和昌幸遘休明叨蒙育一元之始方宣木德之
仁億萬斯年願介春祺之茂

賀 皇太后表

伏以寶歷更端時紀人正之首條風協序天開獻歲
之祥品物惟新宮闈均慶中賀恭唯 皇太后殿下
名高馬鄧德媿皇英古訓是依著彤宮女罔之戒前
修是警嘉素裝大練之風導迎上日之和茂對自天
之祐臣地親禁闈才謝維城敢稱椒柏之觴仰祝椿
靈之筭

賀 皇太妃牋

伏以璇璣觀運方齊七政之元椒柏稱觴式首三正
之首風雲淑暢宇宙開明中賀恭唯 皇太妃宮闈
孝奉兩宮美全四德動中環珮之節謙尊而光居享
羶薌之嘗上安而敬適臨穀旦倍擁籛禧某童稚無
知親憐是賴願介春陽之吉增延眉壽之期

哲宗皇帝明堂宿殿大寧郡王起居第一表
伏以辰房朝覲屆明堂宗祀之期詔課晝嚴謹宣室
齋居之慮伏唯 皇帝陛下追養繼孝敬神事天度

以尋筵深廣應乾坤之策思其居處寤興忘夙夜之
勞臣託庇禁扃馳誠法坐方佩左鱗之飾阻趨鳴玉
之班

第二表

伏以世室嚴裡莫隆於報本瓊房祗被道允契於集
虛伏唯 皇帝陛下昭顯先猷惇宗元祀四阿重屋
儼躰象之方圓太寢南闈致心思之精一言瞻帷幄
阻侍典儀佇聞畢饗于欽柴即遂趨迎於還蹕

咸寧郡王起居第一表

伏以三歲親祠載舉國陽之禮五思致敬聿嚴聖享
之心伏唯 皇帝陛下以舜孝事祖宗以堯文欽歷
象明德恤祀潔牲玉以告虔惟道集虛通神明而有
序巨竊懷幼志仰慕朝儀踴華蓋之天旋肅內班而
罄折

第二表

伏以清廟明堂古史合五名之義路朝便坐聖辰躬
三日之齋伏唯 皇帝陛下欽翼宅心穆清凝命按
禮經之宗祀祗事天神即陽館之嚮明昭配祢室肅

罄內心之美茂膺虛室之祥

晉寧郡王起居第一表

伏以闢大報之宮對穹昊而肆類告七世之廟奉文
考以配神恭惟 皇帝陛下奏孝天儀有怀明發謂
物無以稱其德致志一誠惟神有感而必通荷天百
福臣勝衣衮袂拱著未由瞻雲日以馳情姑夙宵而
在念

第二表

伏以歲物順成將辰合宮之報宸興夙駕載臨重幣

之居恭惟 皇帝陛下順考舊章誕修嚴祀規模几
室祇崇陟配之儀齊定一心益盡交神之道仰天光
之恭豫延帝祉之嘉休

祁國公起居第一表

伏以太室藏儀辰季秋之宗祀左房潔慮度三日之
內齋伏惟 皇帝陛下 一德清明九功昭序惟聖為
能於享帝緝典斯行嚴父莫大於配天先期以戒臣
纔通方甲未習朝趨望咫尺之威顏阻晨昏之覲禮

第二表

伏以欽若昊天大舉三年之報稱秩元祀預修百順之名伏唯 皇帝陛下誠致中和功躋巍蕩精明內固有盡志盡物之虔聖孝兼隆協尊帝尊親之美方履霜之在序想食玉之延休

大寧郡王辭免明堂加恩第一表

伏以陽館宗祈慶涓成于盛節雉庭享號均嘏福于羣倫徽章例及于近宗最負何勝于異渥 中謝竊以愛之欲其富實出至仁之心食之淳于人固有前經之戒隆恩親而既過度分義以難安伏念臣弱甚蘭

文華連棣萼有室玉展親之賜乏大邦惟屏之功寵靈已溢于平時僥倖敢期于嘉命蹈高躋厚曷勝長育之慈履薄臨深祇益兢凌之惧伏望 皇帝陛下天聰垂聽雲施無私深察叩心之誠許收渙汗之命昭大功于羣聽從所欲于微衷雖曰無知尚思自儆

第二表

伏以恭布由衷之懇既已報聞尚懷不盡之情期于必達蓋憂富貴者欲其長守居高危者防于疾顛涯分或踰憂悔斯至中謝臣聞唐叔分相土之邑本以

德封晉侯啓南陽之田亦由功賞在義則以為寵錫
言禮者猶曰儲踰伏况臣方在幼齡未知官學備數
周藩之列蒙休光族之親賜命增多省躬曷勝雖天
慈萬愛遠追華萼之情而資性至愚深惧負乘之悔
伏唯 皇帝陛下刑家以及國制義而斷息念其本
出于至情許以收還於成命傾心於此待報益虔

咸寧郡王辭免明堂加恩第一表

伏以大享熙成祭澤普沾於率土陪封衍賦褒章曲
被于孱軀顧優渥之踰涯輒控陳而有請中謝竊以

加地進律非有功而莫疇唯器與人慎假人而為寵
賞如有僭受則為虛伏念臣綿弱薄才顯蒙寡識直
莽擁節已兼華袞之資鳴玉奏章未預外庭之謁逮
茲禋慶例進戶田雖博施之無私敢冒榮而安處伏
望 皇帝陛下曲矜幼志特軫清衷收如綸出綽之
言免濡翼在梁之刺庶安分守無玷龍光

第二表

伏以瀝傾愚款祈還益地之恩游奉批章重拜出綸
之誨荷皇慈之至渥揆渺質以知慚情所未安義難

自默中謝竊以無德而富前史之戒甚明受爵不辭
詩人之譏尤切况臣以髻童之陋早歲蒙土宇之封
大纛高牙位參師帥之列袞衣朱芾秩視公台之榮
奉璋未接於時髦進戶例沾於祭澤願孱弱則爵既
踰德受亦無功在朝廷則名以假人衆將啟寵永言
及此豈敢違寧伏望 皇帝陛下軒鑑照徹堯在聽
衆下徇寡求之志庶無僭賞之差因避籙言尚期可
報

普寧郡王辭免明堂加息第一表

伏以配天威禮屬熙事之休成履澤洪恩雖尸臣而
畢逮願無名而服寵滙懇以祈辭中謝竊以恩勝於
義則蒙之有未安賞非其功則受之為不韙而臣自
唯弱質未親保傅之嚴弗離禁庭已叅王公之貴伏
况才非早慧謝少成德祿不酌每有鑿墉之戒高明
難處竊懷瞰室之虞何補盛時乃叨厚貺伏望
皇帝陛下曲從人欲特軫天衷察其取少而辭多不
為虛矯毋使貪榮而冒寵自速滿盈懇款之誠於憐
是冀

第二表

伏以義有弗安輒具陳於前奏恩無與量猶未賜于
俞音敢冒威嚴更殫餘懇中謝臣聞功多而賞厚賜
則下無覬覦德薄而位尊則盜斯奪代故聖人慎於
賦祿而賢者戒於貪功寵或踰涯滿必招損伏念臣
稯緣支屬曲荷眷憐生成皆自於禁中不離于上側
雖帝舜之悖叙九族明皇之友愛諸王在臣所蒙方
古已過若乃講三年之宗祀致四海之歡心慶未徧
於有勞惠乃先於慈幼僉言靡協衷懇寧安伏望

皇帝陛下徇羣議于大公抑私恩於內治聽從自列
函寢前褒俾無虛受之譏不累承平之化

祁國公辭免明堂加恩第一表

伏以嚴父而配上帝克享靈心受福以浸黎民布為
皇澤恩猥加於蒙穉衷實負于愧惶中謝竊以三歲
親祠禮成而雲施博百官顯相勞著者神惠加凡有
褒封莫非公議伏念臣年纔髫髻本顯侗託庇宮
闈之嚴謹方甲之學未能佩玉致阻預于朝趨雖欲
奉璋願不勝於祀事坐縻厚祿已竊重封更叨加地

之隆采益循墻之畏伏望 皇帝陛下廓乾坤之度
回日月之明垂諒丹愚許从避免臣恩無虛受倘下
遂於素懷賞不私親亦少裨於聖治歷殫危歎恭聽
俞音

第二表

伏以愚衷惻怛批札丁寧雖螻蟻微誠莫動蓋高之
聽而腹心至意寧虞再瀆之非中謝竊以國家若稽
古昔之謨循踵漢唐之制徹疆啓土雖不涖于國都
益戶增租寔用疇于功闢而臣躬居禁闥秩視台司

未陪駕鷺之行弗預豆籩之事驟加多賦濫拜明綸
茲謂無名詎逃顯責伏望 皇帝陛下考至公之論
盡羣下之情徧覆蕪容誠曰太鈞之默運難進易退
庶明小子之有知言已重陳日冀開可

大寧郡王謝 哲宗皇帝表

伏以威禮休成已答上靈之既湛宣布徧沾近屬之
親願弱植之無堪冒隆恩而過厚省循非稱震惕靡
寧中謝竊以頌載魯封廣彼土田之錫雅歌韓奕美
其訃籍之豐方朝廷加惠以懋功非勲德固難於虛

受矧多與邑是謂濫恩伏念臣生負無奇稚齡未立
託愛本支之末遑辰信恩之時位已列於公侯跡未
離于宮禁朝班阻造每慚車服之榮祭澤旁流更衍
賦租之數息辭莫獲拜既何名此蓋伏遇 皇帝陛
下鴻化曲成至仁丕冒教由內而及外禮先親而後
疎建尔國家奉丁寧于漢策莫如兄弟荷敦睦於周
邦言綽所加愧芒苙集誓謹春秋之教庶知忠孝之
方上報君親敢忘興寐

謝 皇太后表

伏以天子居政教之宮宗祀上帝外朝臨象魏之闕
肆眚多方願在弱齡均蒙異數辭不敢固制亦難稽
中謝竊以嚴父配天本一人之孝治布德行惠致萬
國之歡心齋輅之藏儀有祠官之顯相奔走承序皆
勤俎豆之恭慶賜遂行宜預絲綸之命如日者稟資
不厚賦祿已多未聞詩禮之方初尋保傅之傳寵踰
三命位益五侯逮茲祭泮之頒復被戶祖之賞增封
食深懼滿盈竊懷遜爵之誠莫遂循墻之懼此蓋伏
遇 皇太后殿下化刑宮壺德茂母儀當聖孝之親

祠助夙宵之齋潔優推恩典實賴鴻私自唯輜薄之
資未知報稱之所姑勤問學勉副生成

謝 皇太妃牋

皇太妃宮閤以柔明之德當信厚之時奉順東朝風
化行於遠邇佐佑皇極德施過於親疎蒙陋何知恩
章斯厚唯講求于義理期報稱于慈仁

咸寧郡王謝 哲宗皇帝加恩表

伏以禮成宗祀廣推大澤之仁恩及藩臣均有爰田
之賜輝榮弗獲臨寵若鶩中謝竊以三歲躬祠莫大

帝親之享十倫重祭寔先爵賞之施况聖上祗慄以
事天明合宮嚴配以昭考烈燎烟既達神靈並下而
居歆渙號式享卿士悉蒙於褒進豈曲私於公族盖
賚予於善人倘異至公是為寧僭伏念臣年在髫齡
地處崇高初無宿悟之資早受懿親之獎上方嚴於
將享躬不預於駿奔仰承加等之封自愧無功之賞
此盖伏遇 皇帝陛下廓乾坤之量高卑皆在于函
容岂意顛侗適遭際會維屏維翰慚無賢智之名為
龍為光徒有燕安之幸誓克勤于幼學期上副於淵

慈

謝 皇太后表

伏以禮嚴宗祠既格神靈之休恩廣大封禪加蒙
之陋遜辭靡遂啟靈不違中謝竊以大孝尊親莫先
於配侑聖人享帝無尚於肅雍嗣講緝儀時唯大事
方萬靈之儲祉有羣后之相嗣誕錫言綸式彰惠術
茲雖有舊詔及因功伏念臣之秀巖之資遇熙平之
運早膺典冊濫畀土疆握旄節之榮方有垂髫之愧
相豆遵之事曾無在廟之勞豈因慶澤之行亦玷恩
章之及陪教井賦增衍戶封循已踰涯拜嘉增恨此
蓋伏遇 皇太后殿下至誠育物昭德睦親奉 先
聖之貽謀佑清躬之秩祀眷福祺之丕擁思宗族以
共承致乃幼冲有斯忝冒仰答生成之賜永慟忠孝
之心

謝 皇太妃牋

皇太妃宮閣道光柔順行著淑均有德有言佐先朝
之內治以享以祀贊大寢之禮成茂推福禧致乃愚
幼承祭之澤既荷賜于龐鴻報國之恩誓竭誠於長

蘇魏公文集卷四十六

光緒戊子湖州陸
心源捐送國子監
之書匱臧南學

